



2021-2022 хичээлийн жил

Тархаасан: 2022 оны 9 дүгээр сарын 15




ЕБС-ийн 12 дугаар ангийг 31.9 мянган сурагч өдрөөр суралцан төгсжээ

Бүх шатны сургуулийг 2021-2022 оны хичээлийн жилд 139.9 мянган суралцагч төгссөнөөс ерөнхий боловсролын сургууль (ЕБС)-ийг 84.7 мянган сурагч, техникийн болон мэргэжлийн боловсрол, сургалтын байгууллагыг 22.3 мянган суралцагч, их, дээд сургууль, коллежийг 32.9 мянган оюутан тус тус төгсжээ (Зураг 1).

ЕБС-ийг өдрөөр төгсөгчдийн 52.8 мянга нь суурь боловсрол (9 дүгээр анги), 31.9 мянга нь бүрэн дунд боловсрол (12 дугаар анги) эзэмшигчид байна. 12 дугаар ангийг өдрөөр төгсөгчид өмнөх оны хичээлийн жилээс 2.9 мянга буюу 8.3 хувиар буурсан байна.

ЗУРАГ 1. БҮХ ШАТНЫ СУРГАЛТЫН БАЙГУУЛЛАГЫГ ТӨГСӨГЧИД, сургалтын байгууллагын ангиллаар, мянган хүн




Техникийн болон мэргэжлийн боловсрол, сургалтын байгууллагыг 2021-2022 оны хичээлийн жилд 22.3 мянган оюутан төгссөн нь өмнөх оны хичээлийн жилээс 2.5 мянга (12.8%) аар нэмэгдсэн байна. Нийт төгсөгчдийн 57.3 хувь нь эрэгтэйчүүд байна.

ХҮСНЭГТ 1. ТЕХНИКИЙН БОЛОН МЭРГЭЖЛИЙН БОЛОВСРОЛ, СУРГАЛТЫН БАЙГУУЛЛАГЫГ ТӨГСӨГЧИД, хүйсээр

Үзүүлэлт	2017-2018	2018-2019	2019-2020	2020-2021	2021-2022
Бүгд	20 544	21 206	18 887	19 734	22 251
Эрэгтэй	12 965	12 840	10 297	10 895	12 743
Эмэгтэй	7 579	8 366	8 590	8 839	9 508
Техникийн боловсрол	1 690	2 521	2 460	2 084	1 729
Эрэгтэй	1 111	1 381	1 218	1 294	1 021
Эмэгтэй	579	1 140	1 242	790	708
Мэргэжлийн боловсрол	16 318	13 499	14 263	17 085	18 318
Эрэгтэй	10 322	8 050	7 912	9 285	9 951
Эмэгтэй	5 996	5 449	6 351	7 800	8 367
Мэргэжлийн сургалт	2 536	5 186	2 164	565	2 204
Эрэгтэй	1 532	3 409	1 167	316	1 771
Эмэгтэй	1 004	1 777	997	249	433

Техникийн болон мэргэжлийн байгууллагын төгсөгчдийг мэргэжлийн чиглэлээр харахад 7.3 мянга (32.8%) нь аж үйлдвэрийн, 4.2 мянга (18.8%) нь барилга, 2.8 мянга (12.4%) нь тээврийн чиглэлээр төгссөн нь тэргүүлэх салбарууд байна. Төгсөгчдийн мэдээллийг хүйсээр авч үзвэл уул уурхайн чиглэлээр төгсөгчдийн 81.3 хувь, барилгын чиглэлээр төгсөгчдийн 79.6 хувь, тээврийн чиглэлээр төгсөгчдийн 76.9 хувь, эрчим хүчний чиглэлээр төгсөгчдийн 62.2 хувь, шуудан, харилцаа холбооны чиглэлээр төгсөгчдийн 61.2 хувь нь эрэгтэйчүүд байна.

ЗУРАГ 2. ТЕХНИКИЙН БОЛОН МЭРГЭЖЛИЙН БОЛОВСРОЛ, СУРГАЛТЫН БАЙГУУЛЛАГЫГ ТӨГСӨГЧИД, мэргэжлийн чиглэлээр, хүйсээр



Их, дээд сургууль, коллежийг 2021-2022 оны хичээлийн жилд нийт 32.9 мянган оюутан төгссөн нь өмнөх оны хичээлийн жилээс 1.8 мянга (5.7%)-аар өсжээ.

ХҮСНЭГТ 2. ИХ, ДЭЭД СУРГУУЛЬ, КОЛЛЕЖИЙГ ТӨГСӨГЧИД, боловсролын зэргээр, хүйсээр

Боловсролын зэрэг	2017-2018	2018-2019	2019-2020	2020-2021	2021-2022
Бүгд	29 164	23 038	28 045	31 161	32 925
Эрэгтэй	11 688	9 525	10 783	11 300	11 803
Эмэгтэй	17 476	13 513	17 262	19 861	21 122
Диплом	45	409	268	117	627
Эрэгтэй	28	341	172	27	130
Эмэгтэй	17	68	96	90	497
Бакалавр	25 120	18 951	23 081	25 727	26 240
Эрэгтэй	10 188	7 756	8 969	9 671	9 686
Эмэгтэй	14 932	11 195	14 112	16 056	16 554
Магистр	3 868	3 574	4 531	5 273	5 954
Эрэгтэй	1 422	1 389	1 572	1 586	1 942
Эмэгтэй	2 446	2 185	2 959	3 687	4 012
Доктор	131	104	165	44	104
Эрэгтэй	50	39	70	16	45
Эмэгтэй	81	65	95	28	59

Их, дээд сургууль, коллеж төгсөгчдийн мэргэжлийн тэргүүлэх чиглэлийг харахад Бизнес, удирдахуй, хууль, эрх зүй, Боловсрол тэргүүлж байна. Төгсөгчдийг хүйсээр авч үзэхэд мэдээлэл, харилцаа, холбооны технологийн чиглэлээр 242 (72.6%), инженер, үйлдвэрлэл, барилга угсралтын чиглэлээр 2.9 (69.2%) мянга нь, үйлчилгээний чиглэлээр 1.1 (68.4%) мянга буюу төгсөгчдийн дийлэнх нь эрэгтэй, бусад салбарын хувьд эмэгтэйчүүд нь дийлэнх байна.

ЗУРАГ 3. ДОТООДЫН ИХ, ДЭЭД СУРГУУЛЬ, КОЛЛЕЖИЙГ ТӨГСӨГЧИД, мэргэжлийн чиглэлээр, хүйсээр



Ойлголт, тодорхойлолт:

Боловсрол: Ерөнхий мэдлэг, ур чадвар, чадамж олж авах, зан чанарын болон төлөвшлийн хувьд нийгэмд хүлээн зөвшөөрөгдсөн, үнэлэгдсэн байр суурьтай болох насан туршийн үйл ажиллагааг ойлгоно.

Сургалтын байгууллага: Монгол Улсын "Боловсролын тухай хууль"-ийн 3.1.5-д заасны дагуу боловсролын нэг буюу хэд хэдэн түвшний боловсролын агуулгыг хэрэгжүүлдэг хуулийн этгээдийг хэлнэ.

Ерөнхий боловсролын сургууль: Монгол Улсын "Бага, дунд боловсролын тухай хууль"-д заасны дагуу боловсролын стандартаар тогтоосон бага, суурь, бүрэн дунд боловсрол эзэмшүүлэх сургалтын байгууллага юм.

Мэргэжлийн боловсрол, сургалтын байгууллага: Монгол Улсын "Боловсролын тухай хууль"-ийн 14 дэх зүйлд зааснаар политехник коллеж, мэргэжлийн сургалт-үйлдвэрлэлийн төв зэрэг хэв шинжтэй байж болох бөгөөд политехник коллеж нь техникийн боловсролын сургалт эрхэлдэг байгууллага байна.

Дээд боловсролын сургалтын байгууллага: Монгол Улсын "Боловсролын тухай хууль"-ийн 15.1-д заасны дагуу их сургууль, дээд сургууль, коллеж энэ ангилалд багтана.



Эх үүсвэр:

Боловсрол, Шинжлэх Ухааны Яам

Ангилал, код:

Монгол Улсын боловсролын түвшний ангилал

Мэдээлэл авах холбоос:

<http://www.nso.mn/>
<http://www.1212.mn/>

Дараагийн мэдээ тархаах хуваарь:

2023 оны 1 дүгээр сарын 14

Нийгмийн статистикийн
газрын дарга Э.Эрдэнэсан
Утас: (976-51)-266414

Нийгмийн статистикийн
газрын статистикч М.Доржпагма
Утас: (976-51)-267547



/StatisticMGL



information@nso.mn



1900-1212